

# SP

**umdat het neudig  
is  
broodneudig!!**

---

**Verkiezingsprogramma van de SP Hoogeveen 2014-2018**

## 1. Woord veurof

In het programma van de SP vien ie de mening van oenze partij. De SP döt alles veur menselijke waardigheid, geliekwaardigheid en solidariteit. Bij alles wat wij doet en viendt, bint dizze driei weerden slim belangriek. De Hooegeveinse ofdieling van de SP kent de gemiente en is betrökken bij de meinsen. De landelijke uitgangspunten passe wij toe op wat er speult op 't Hooegeveine. Daorum weet ie ook zo um en naobij waj van oens te verwachten hebt. En daorumme is het ok niet meer as logisch dat wij hielemaole achter de millenniumdoelen staot.

Oens land zit op dit moment in een crisis en 't Hooegeveine heurt bij de gemientes die daor extra last van hebt. Wij denkt niet dat de crisis een natuurverschiensel is, mar dat het een gevolg is van keuzes die eerder emaaft bint. Hiel veul banen verdwient umdat de overheid zich aal meer teruggetrekt. Butendes hebbe wij van doen mit lastenverzwaoringen deur de overheid. En verder zorgt diezelfde overheid der ok nog ies veur dat aal meer rechten van warknemers vurtgaot. En dan is der ok concurrentie veur oenze beroepsbevolking deur meinsen uut legelonenlaanden die hier koomt um te warken veur minder loon. Deurdat de koopkracht achteruut giet, hebt meinsen minder um uut te geven. Zo gaot aal meer bedrieven failliet en koomt er meer warklozen.

Oens verkiezingsprogramma hef hiel wat in zich. Wij ziet namelijk veule meugelijkheden um 't Hooegeveine beter te maken. Dat kan allemaole niet in ien maol. En al hielemaole niet in een tied waarin de landelijke overheid ok veul bezunigingen bij de gemientes henne legt. As het zowied komp dat wij mitandoet in het college, dan zulle wij preberen zoveule meugelijk van oenze punten uut dit programma veur menare te kriegen. Oenze Speerpunten staot daorbij bovenan.

## 2. Speerpunten

- Kiender magt minder te lieden hebben van armoede.
- Respect veur meinsen die hulp vraagt.
- Meer betaalbare huzen.
- Meer recreatiemeugelijkheden veur jongelu.
- Sport en cultuur veur elkeniene.
- Meer toerisme.
- Elke buurt een buurthuis.
- Beter openbaar vervoer.
- Historische paanden beholden.

## 3. Wark en inkommen

Allewel geld niet gelukkig mak, mak gien geld biezunder ongelukkig. De mieste meinsen kunt hiel goed in heur eigen levensonderhold en dat van heur gezin veurzien, deurdat ze een baan hebt. In een beschaafd laand wordt de lu die het niet allent redden kunt, ehölpen deur de samenleving. De SP viendt het niet verkeerd as meinsen die een uitkering kriegt hier wat veur weerumme doen mut. Dit wordt mit de neie participatiewet zelfs verplicht. Wij bint het evenwel niet iens mit de manier waarop het tegenwoordig in de praktijk giet. Wij bint dervan overtuugd dat wieduut de mieste meinsen barre graag een betaalde baan hebben wilt en heur beste doet um die te kriegien.

- De gemiente neudigt bedrieven proactief uut um zich op 't Hoogeveine te vestigen.
- Der SP is der niet veur dat winkels op zundag lös bint.
- De centen diew kriegt vanwege de participatiewet wordt oormarkt.
- In de neie participatiewet valt meinsen mit een arbeidshandicap ok onder de bijstaandsregels. De gemiente zal dizze meinsen mit respect behandeln en legt heur gien verplichtingen op die ze niet an kunt.
- De gemiente nemp arbeidsgehandicaptin in (vaste) dienst. 1 percent van de warknemers valt binnen dizze groep.
- Alescon is een bedrijf dat der allent mar is veur meinsen mit een arbeidshandicap en mut dat ok blieven.
- De ofdieling arbeidsreïntegratie kek veural naor het zuken van wark veur heur klanten en zet ze niet onder druk. Scholing is een onderdeel van de meugelijkheden.
- De gemiente mag warkzukenden niet as gratis warknemers bij bedrieven laoten warken um ze zogenuumd 'wark-fit' te maken.
- Bedrieven magt allent meinsen mit een bijstaandsuitkering laoten warken as ze heur op zien hoogst nao dreei maond een betaalde baan anbiedt. Het is dus niet toe-estaon um aal dreei maond een aander komen te laoten. Zo wordt verdringing van echt wark veurkomen.
- As de gemiente meinsen mit een uitkering bepaolde taken uitvoeren lat, mag e niet meer wark van heur verlangen as op grond van het minimumloon meugelijk is.
- Veur oldern valt het niet mit um weer an 't wark te komen. De gemiente stopt dermit um meinsen die older as vieftig bint achter de boks te zitten. De gemiente gef hulp as dat neudig

is en evraagd wordt. Wel vraoge wij van dizze meinsen dat ze zich inzet veur de maatschappij op een manier die bij heur belangstelling en kwaliteiten past.

- De SP wil niet dat warkzukenden mit heur vrijwilligerswark stopt um zoguuumd beschikbaar te weden veur de arbeidsmarkt.
- De SP wil juist dat meinsen zonder wark heur talenten inzet veur allerhaande echt vrijwilligerswark. Dat mag bij verenigingen, in buurthuzen, in de karke, in de politiek, as mantelzorger, as hulp op schoelen en aal zuks wark meer dat nooit betaald wark zal worden. Wij wilt dat de gemiente warme contacten onderhoudt mit dizze organisaties.
- Veur het vegen van stoepen en het weghalen van graffiti kan de reclassering inezet worden. Zo kan dit as warkstraf edaone worden.

#### 4. Vrijwilligerswark

Vrijwilligers bint het cement in oenze samenleving. As meinsen uut vrije wil an 't wark gaot, dan doet ze dat ja vanuut heur idealen en umdat ze sociaal betrökken bint. De SP is der slim bliede mit, dat der zoveule meinsen bint die belangeloos heur best doet veur heur club en de maatschappij. Hiel veul dingen kunt niet bestaon as der gien vrijwilligers bint.

- Een goeie ondersteuning deur de gemiente is belangriek.
- Vraogen en op- en anmarkings van vrijwilligers zult deur de SP altied serieus eneumen worden.
- Veul vrijwilligers hebt een plek neudig. Het college daw nou hebt, wil bezunigen op accommodaties deur paartie ..... dichte te doen. De SP viendt het geweldig belangriek dat meinsen menare ontmoeten kunt en zal der dus veur zorgen dat buurthuzen en sportclubs lös blijft.

#### 5. Armoedebeleid

Aal meer meinsen kriegt te maken mit armoede. Dit komp deur politieke keuzes op landelijk niveau. Mar de gemientes heurt de meinsen die in armoede vervalt te helpen. Het giet niet allent um meinsen mit een uitkering. Ok hiel wat meinsen die wel wark hebt, kunt de kop niet boven water holden.

- De gemiente mut niet te knieperig weden as meinsen gemientelijke heffingen niet betalen kunt en mut ruumhartig kwietschelden.
- De gemiente is actief as het er um giet de financiële regelingen veur meinsen die slim arm bint bekend te maken.
- Voedsel-, kleding- en speulgoedbaank kriegt van de gemiente alle ruimte. Dat geldt ok veur neie plannen um arme meinsen te helpen.
- De gemiente warkt nauw samen mit vrijwilligersorganisaties as Humanitas en het Diaconaal Platform.

- Kiender én groten in armoede kunt gratis sporten. De gemiente giet overleggen mit aanbieders um dit goed te regeln. Ok wordt de gemiente deelnemer van het jeugdsport- en cultuurfonds.
- Veul sociale preblemen komt deur armoede. Het maatschappelijk wark möt daorin een veuruutziende blik hebben.
- Umme de sociale gevolgen van armoede zo klein meugelijk te holden, wil de SP alle buurthuizen lös holden en stimuleren dat daor gratis dingen te doen bint.
- As meinsen een toer gien inkomen hebt zonder dat ze daor zelf schuld an hebt, dan helpt de gemiente heur mit een renteloze lening.

## 6. Schuldhulpverlening

De Nederlandse economie hef jaorenlang eleefd op eleend geld. Hiel wat meinsen hebt grote schulden emaaft en komt dik in de preblemen as ze bijveurbield heur bane kwietraakt.

- De wachttieden van de Gemientelijke Krediet Bank wordt kleiner.
- Het is belangriek dat de schuldhulpverlening leegdrempelig is en dat die niet pas beschikbaar komp as de schulden al hoog op-elopen bint deur boetes en administratie- en deurwaarderskosten. Meinsen wordt eerder ehölpen mit het in evenwicht brengen van heur uitgaves. In sommige gevallen kan er ok gebruik emaaft worden van kleine renteloze leningen.
- Bureaucratie en boetes van de gemiente magt niet tot gevolg hebben dat de schulden van meinsen die het water toch al tot an de lippen stiet nog hoger wordt.
- Vrijwilligers kunt inezet worden um meinsen te helpen um heur administratie op orde te brengen.

## 7. Zorg en Welzijn

De rijksoverheid legt meer verantwoordijkheden neer bij de gemientes. Tegelijk is daor minder geld veur. Binnen de AWBZ hadden meinsen recht op hulp. Nou ze die hulp via de WMO mut kriegen, hebt ze dat recht niet meer en kunt gemientes aandere keuzes maken. Butendes wordt fiks ekort op het geld van de WMO. De SP vindt dat meinsen die hulp neudig hebt, die ok kriegen mut.

- Het geld daw kriegt veur de WMO wordt oormarkt.
- Meinsen die thuiszorg verleent, moet daorveur de juuste opleiding ehad hebben.
- De meinsen die zorg verleent, mut daor een eerlijk traktement veur kriegen. Der magt gien meinsen mit behold van uitkering in de thuiszorg warken.
- Mantelzorgers hebt het zwaor. Wij wilt ze helpen mit respijtweekeinden en meugelijkheden dat zorgbehoevenden naor dagbesteding kunt. Dat de mantelzorger even een toertie gien zorgen hef.
- Het is belangriek dat mantelzorgers op de hoogte bint van de meugelijkheden die ebeuden wordt. Daorumme mut de gemiente actiever weden op het gebied van de veurlighting. Wij

denkt an folders op plekken die dertoe doet en persberichten in de kraanten. Allent mar dingen vertellen op de gemientepagina is niet genog.

- Meinsen die hulp neudig hebt, viendt het vake niet makkelijk um die te vraogen. Mitwarkers die hulpvraogen mut beoordelen, wordt onder aandern op heur invulingsvermogen uutekeuzen.
- Bij het WMO loket zit mitwarkers mit verstaand van zaken en oog veur de klaante.
- De WMO-raod is een orgaan waar veul kennis is verzameld. De SP viendt het belangriek dat de WMO-raod gesprekspartner van de gemiente is en dat e in de besluitvorming betrökken wordt.
- Op maatschappelijk wark kan niet bezunigd worden; der mut juist geld bij um grotere preblemen veur te weden. De gemiente giet het maatschappelijk wark niet anbesteden, mar blef gebruik maken van SWW, de organisatie die verankerd is in de Hoogeveinse samenleving.
- De SP viendt goeie eerstelijnszorg en een volwaardig ziekenhuus belangriek.

## 8. Jeugdzorg

Binnenkort wordt de gemientes verantwoordelijk veur de provinciale jeugdzorg, de jeugdbescharming en -reclassering, de jeugd-ggz en de zorg veur jeugd mit een kleine verstaandelijke handicap. Jammer genog koomt veur dizze dingen ok minder geld.

- Het geld daw veur jeugdzorg kriegt, mag allent daoran besteed worden.
- Bij de bestaonde organisaties zit de kennis. Dizze kennis mut zoveel meugelijk beholden blieven.
- Der wordt as 't kan gien anbestedingen edaone.
- As organisaties onderling samenwarkt, kunt ze mit heur kennis en kundigheid de indicatie blieven doen.
- Controle op hoe of het allemaol egaone is, gebeurt achterof, dat de jongelu niet as gevolg van bureaucratie versteuken blijft van hulp.
- Veur jongern is der op 't Hoogeveine niet veul te doen. As ze menare ontmoeten wilt, kan dat niet anders as in de kroeg of op straote. De mieste buurthuzen bint niet geschikt veur jongelu. Der komt een jongerncentrum mit activiteiten waar alle jongern welkom bint. Preventie is belangriek.

## 9. Wonen

Op 't Hoogeveine is een groot tekort an betaalbare huzen. Veural jongelu en jonge gezinnen hebt muite um woonruimte te vienden. Het gebeurt ok aal meer, dat meinsen die heur koophuus edwungen verkopen mut een huurhuus zuukt.

As previncie is Drenthe een krimpregio. Dat wil niet zeggen dat 't Hoogeveine automatisch mitkrimpt. Juust niet! Umdat der genog veurzieningen bint, zal 't Hoogeveine juist meinsen uut de omgeving naor zich toe halen. Dan is het wel neudig dat der genog huzen bint.

- De gemiente giet praoten mit de huurcorporaties um het veur menare te kriegen dat der genog woonruimte bijkomp. Der mut weer ebouwd worden veur meinsen mit weinig loon in plaats van veur meinsen mit een modaal inkomen. Umdebij 75 percent van de inwoners van 't Hoogeveine verdient minder as dat modale inkomen.
- De gemiente gef grond gratis an corporaties die goedkope huurwoningen bouwen wilt. Dizze huzen magt niet verkocht worden.
- As de corporaties niet kunt of wilt mitwarken, dan giet de gemiente zelf zorgen veur goedkope woonruimte.
- Der komt een regionale woonruimteverordening waordeur corporaties samenwarken mut wat toewiezing angiet. Meinsen hoeft zich dan nog mar bij ien corporatie te laoten inschrieven.
- Der bint op 't Hoogeveine niet genog kamers veur jongern. Leegstaonde bedrieffspaanden kunt tot woonruimte umebouwd worden.
- Der komt een actief anti-leegstandsbeleid. Paanden die langer as een jaar leeg staot, moet aandars gebruikt worden.
- Veul oldere meinsen woont nog in hetzelfde huus as toen ze nog een gezin hadden. As het daorbij um een huurhuus giet, is verhuzen duur. Een nei huurcontract betiekt ja vake een (veul) hogere huurpries. De gemiente giet praoten mit de corporaties um derveur te zorgen dat meinsen die verhuzen gaot naor een kleiner huurhuus niet meer huur huuft te betalen. Zo krew een betere deurstroming.
- Veur oldern bint der genog nultredenhuzen beschikbaar. Dizze complexen staot midden in de wicken mar wel bij menare, zo dat zorg doelmatig eleverd worden kan. Vereenzaming van oldern wordt tegen-egaone deur gezamenlijke ruimtes.
- De priesen veur energie wordt aal hoger. De gemiente mak ofspraken mit de woningbouwcorporaties over energiebesparing. Ok gef de gemiente subsidies an eigenaren die mit menare heur huus verduurzamen wilt.

## 10. Sport

De SP viendt het belangriek dat alle meinsen an sport doen kunt. Sport is ja goed veur de lichamelijke én geestelijke gezondheid van meinsen, en daormit veur de hiele samenleving. Mar der moet wel financiële keuzes emaaft worden. De SP is niet van zins um geld te stoppen in dure projecten waarbij lichtkaans allent mar een haandtievool topsporters ondersteund wordt. Topsport begint ja vanuut de basis. Wel wet hoeveul toptalent nooit tot blui ekomen is, umdat der gien meugelijkheid was um die sport te gaon doen?

- In elke buurt kooft veilige veldties waor an sport edaone kan worden. Dit wordt vanuut de Smederijen organiseerd.
- De SP viendt het niet neudig dat der twee topsporthallen in het Bentinckspark ebouwd wordt. Allent wat het Roelof van Echtencollege, locatie Bentinckspark, neudig hef, mut daor ebouwd worden. Sportaccommodaties moet dáór weden waor ze neudig bint. En dat is in de wicken en bij de schoelen die der gebruik van maakt. Het Wolfsboscollege mag van de SP daorumme in de eigen sportzaal blieven sporten.

- De basisschoelen in Wolfsbos kunt blieden sporten in de bestaende gymzalen of in nei te bouwen gymzalen bij de schoelen. De verenigingen kunt dan ok gebruik blieden maken van gymzalen in de buurt, zodat de kiender zoveul meugelijk op eigen gelegenheid naor heur sport gaon kunt. Dit viene wij belangriek veur elke buurt.
- Ok veur oldere meinsen is sport en bewegen belangriek. Zo blieft ze langer fit en gezond. In elke buurt kunt oldern gratis sporten. Daor kunt vrijwilligers veur inezet worden. Dizze vrijwilligers wordt ondersteund deur sportfunctionarissen en/of SWW.
- In oens slaand is zoveul water dat het geweldig belangriek is daj zwemmen kunt. Toch is schoelzwemmen ofeschaft. De gemiente giet praoten mit de schoelen um het veur menare te kriegen dat alle kiender vanof acht jaor zwemmen kunt. De gemiente gef daor geld veur.

## 11. Cultuur

Passieve en actieve cultuurbeleving is belangriek veur meinsen um energie op te doen in het drokke bestaon van alledag. Alleman mut daorumme toegang hebben tot cultuur. Veur oens is der gien 'hogere' en 'legere' cultuur.

- De gemiente subsidieert het cultuuronderwies tot achttien jaor. Dit geldt ok veur lessen buten schoele.
- Het gebouw van Scala blef bestaon veur het meziek- en daansonderwies. Alle ZZP-ers mit een diploma kunt daor gebruik van maken um onderwies te geven.
- De Tamboer wordt deur oens allemaole betaald. Alle inwoners die minder as modaal verdient, magt ien maal in 't jaor gratis naor een veurstelling. Hier kunt de kaorten die niet verkocht bint veur gebruikt worden.
- Het Podium blef bestaon in het gebouw waor het nou ok in zit.
- De PR van Podium en de Tamboer wordt ecombineerd. (e mut weg)
- 't Hoogeveine kent veul historie. Gebouwen en landschapselementen wordt veilig esteld.
- De collectie en de activiteiten van Museum de 5000 Morgen wordt onderbracht in een geschikt paand. Het museum zocht samenwarking mit alle historische verenigingen in oenze gemiente.
- In oenze gemiente praot veul meinsen Dreints. De SP viendt het belangriek dat meinsen de ruimte kriegt um heur moedertaal te blieden gebruiken. Ok de taal is een vorm van cultuur waor we zunig op bint.

## 12. Recreatie

't Hoogeveine is een stad die recreanten hiel wat te bieden hef, zowel binnen de gemientegrens as in de directe omgeving. Zo bint der hiel wat kaansen um toerisme as belangrieke inkomstenbron uut te breiden.

- De gemiente mak een visie op hoe toerisme anefieterd worden kan.
- Hierover prat de gemiente mit de provincie en aandere gemientes in de buurte.



- Der komp een ofdieling toerisme en recreatie op het gemientehuus. Dit wordt het aanspreekpunt veur alle ondernemers die hiermit van doen hebt.
- De PR van 't Hoogeveine as vekaansieplek wordt flink anepakt.
- Bij het Zuderpark komp in de Hoogeveense Vaart een haven veur de pleziervaart. Hier koomt ok wc's, douche- en wasgelegenheden en elektrische veurzieningen.
- Hier komp ok een camperplek.
- Der wordt prebeerd de fietsvierdaagse weerum naor 't Hoogeveine te halen.
- De TIP, het Toeristen Informatie Punt, komp in de hal van de bibliotheek.
- De zandofgraving bij Nijstad wordt zo gauw meugelijk geschikt emaaft veur recreatie.
- Der komt wandelroutes naor oeze dorpen en 't Hoogeveine.
- Der mut meer laadpunten veur elektrische fietsen koomen.

### 13. Onderwies

Onderwies is ien van de belangriekste zaken veur de ontwikkeling van oens laand. Daorum mut goed onderwies veur elkenien beschikbaar weden. Allewel onderwies een landelijke taak is, mut de gemiente der ok wat an doen.

- Deur de krimp is het stoer um alle schoelen lös te holden. De SP viendt het belangriek dat schoelen in de buurte blijft staon. Wiedgaonde samenwerking tussen openbaar en christelijk onderwies mut stimuleerd worden.
- Schoelen mut evestigd weden in gebouwen mit een goeie klimaatbeheersing en luchtkwaliteit.
- Gimmestieklokalen mut zoveel meugelijk in de buurte weden zodat der niet onneudig veul lestied verlueren giet.
- De gemiente helpt bij de contacten tussen MBO en bedrijfsleven um de kwaliteit van het onderwies te verbeteren.
- Jongelu die naor het HBO wilt, kunt hierveur niet op 't Hoogeveine terechte en gaot daorumme uut oenze gemiente vurt en dat hef zo zien gevolgen. De gemiente giet preberen ofdielingen van HBO-instellingen naor 't Hoogeveine te halen, zodat veul veurkoomende opleidingen as PABO, Verpleegkunde en Civiele Techniek op 't Hoogeveine evolgd kunt worden.

### 14. Veiligheid

In oenze gemiente wordt geregeld wietplantages operuumd. Der wordt ok veul wiet gebruikt. De manier waarop softdrugs nou an de dag onderdrukt wordt, leidt tot veul misdaod. Deurdat der veul alcohol gebruikt wordt, bint er nogal wat vechtpartijen en is der veul vandalisme.

- Wij wilt jongern een plek geven waar ze menare ontmoeten kunt zonder alcohol- of drugsmisbruuk. Daorum wil wij dat er een jongerncentrum komp dat alle dagen lös is en waar veur elkenien wat te doen is.

- Het uitgaansplek dat vanuit het centrum weer op huis aan gaat, veroorzaakt veel overlast. BOA's - dat zijn gemeentelijke ploegjes - gaat hier toezicht houden om ellende te voorkomen.
- De gemeente voert een actief beleid om de gevaren van alcohol en drugs bij jongeren onder de aandacht te brengen.
- Om criminaliteit te verminderen zal de gemeente de mogelijkheden onderzoeken om op een legale manier marihuana te laten verbouwen en te laten verhandelen.
- Jongeren die op straat rondhangen wilt, met daardoor de ruimte krijgen. Vanzelf met overlast tegenover worden, maar derhalve maar weinig is geen overlast. Mosquito's - dat zijn apparaten die een hoge pieptoon uitzendt om jongeren te verdrijven - wordt niet meer gebruikt.
- Als er in een woonwijk geregeld overlast is, keert de ploeg niet de andere kant uit. Samen met gemeente en maatschappelijke instellingen wordt aan een oplossing gewerkt.

## 15. Verkeer en openbaar vervoer

Niet iedereen die meedopt in 't verkeer zot even goed en met het reageren is ok wel iets wat mis. Dat heeft gevolgen voor de inrichting van de weg. Omdat fietsen een gezonde en milieuvriendelijke manier van vervoer voor alle leeftijdsgroepen is, met dat gestimuleerd worden.

- Der wordt rekening gehouden met mensen met beperkingen. Als er nieuwe wegen worden gemaakt, wordt die eerst bekeken door mensen van het gehandicaptenplatform.
- Fietspaden met breedte genoeg geven en derhalve geen paaltjes midden op straat.
- Kruisingen moeten overzichtelijk geven, zodat het niet neudig is om eerst stil te staan voordat de situatie goed overzien kunt.
- Der komt een onderzoek naar de verkeersveiligheid van verscheiden kruispunten.
- Bij het kruispunt bij Klok wordt het wettelijk toe-eestane om derhalve over te steken en dat wordt veilig ingericht.
- Als er veel groepen fietsers zijn, is een tweerichtingsfietspad gevaarlijk. Zouke drukke fietspaden worden vervangen door fietspaden aan beide kanten van de straat of derhalve komt een breedere fietspad met een middenbarm.
- De SP wil een fietssnelweg naar de dorpen en in een ring door 't Hoogeveen. Fietsers op dit asfaltpad hebben voorrang op ander verkeer.
- Fietsers krijgen voorrang op rotondes, zoals dat nu in veel steden al het geval is. Dit gebeurt in overleg met de provincie.
- Wegen worden goed onderhouden.
- Het openbaar vervoer wordt de laatste jaren al slechter en daardoor wordt er minder gebruik van gemaakt. Zo ontstaat een vicieuze cirkel. Omdat er veel mensen minder geld te besteden hebben, hebben ze vaak geen eigen auto meer. De gemeente gaat kijken - in samenwerking met De Wolden - of gratis en aanvullend openbaar vervoer in ons gebied mogelijk is. Voor het aanvullende vervoer kunt vrijwilligers inzet worden.
- Wij vinden dat 't Hoogeveen een intercitystation hebben met. Hierover wordt overlegd met de NS.

## 16. Een levendig centrum

De leste tied is der enorm investeed in het koopcentrum van 't Hoogeveine. Deur omstandigheden is der nog niet begund an de parkeergarage. As 't an de SP lig, wordt die ok niet ebouwd en wordt der in overleg mit aandere partijen ekeken wat nou warkelijk neudig is nou de omstandigheden veraanderd bint. Het centrum is opeknapt um der meer winkels te kriegen. Nou blek evenwel dat der leegstand komp as gevolg van internetwinkels en de crisis.

- De gemiente mut actief zuken naor grote winkelketens die zich as pebliekstrekker op 't Hoogeveine vestigen wilt.
- Het is belangriek dat der neie bedrieven in het centrum kooft um wiedergaonde leegstand veur te weden. Bestemmingsplannen mut anepast worden as daordeur belemmeringen ontstaot.
- De BIZ-gelden bint een best initiatief. Dit is een soort ondernemersbelasting die onder aandern gebruikt wordt veur activiteiten in het centrum. Ondernemers die net buten het centrum zit en hier gien veurdeel van hebt, huuft er ok niet an mit te betalen.
- Op 't Hoogeveine bint veul plekken die braak ligt en waor lege gebouwen staot. De gemiente giet er actief achteran (Wet Voorkeursrecht Gemeenten) um braakliggende terreinen een neie bestemming te geven. An de eigenaars van die gronden wordt een ultimatum esteld.
- Meinsen die in het centrum woont, hebt een parkeervergunning um derveur te zorgen dat aandern iet op heur plekkie vlak veur de deur staon gaot. Um onrechtmatig parkeren tegen te gaon, mut daor vaker controleerd worden.

## 17. Dorpen en buurten

Of meinsen zich senang vuult, hef veul van doen mit heur onmiddellijke leefumgeving. Sociale contacten in de buurt bint neudig. Nou de overheid aal minder döt op dit gebied is het nog belangrieker worden.

- In elke buurt is ruimte um te speulen in speultuunties en op sportveldties.
- Elke buurt hef een buurt- of dorpshuus.
- Buurtactiviteiten bint belangriek. As de buurt tiedelijk niks organiseert, zorgt SWW derveur dat dit weer op gang komp.
- De Smederijen legt contact mit zoveul meugelijk buurtgenoten.
- In 't hart van buurten komt baankies waor meinsen menare ontmoeten kunt. Hier komt ok ofvalbakken te staon.
- De gemiente helpt mit dat veurzieningen in elk dorp blijft bestaon.
- As het niet goed zit mit de parkeerplaotsen in de winkelgebieden in de dorpen dan wordt daor mitiene wat an edaone.

## 18. Umgeving

Vrogger was 't Hooegeveine ien van de grunste gemientes. Deur het beleid van de leste jaoren bint er hiel wat geweldig mooie bomen ekapt en is de natuur in het hart van de stad achteruut egaone. As de SP het veur 't zeggen kreg, veraandert dit beleid en wordt olde natuur weer op zien weerde eschat. As 't kan, komp der wilde natuur waor kinder speulen kunt en groten zich ontspannen kunt. 't Hooegeveine mut weer een plek worden waor iemen overleven kunt. Ok toeristen zult er bliede mit weden as wij weer een grune gemiente bint.

- Mit stadstunen en plukbomen kan ok het volk dat in de kernen woont, profiteren van wat de natuur te bieden hef. As der in die richting plannen bint, dan helpe wij mit.
- Deur de gemiente wordt vaker fruitbomen eplant. Die vraogt wat meer onderhoud, maor wij denkt dat der genog vrijwilligers in de buurt bint die dat graag doen wilt.
- Der wordt gien olde bomen meer vervangen deur neien as dat allent giet um onderhoud of umdat die olde bomen uut de mode eraakt bint.
- De SP wil niet dat er nog (dure) uutheemse bomen eplant wordt.
- Historische panden mut beholden blieven veur de toekomst.
- Oens eten mut op een goeie en duurzame manier verbouwd worden. Megastallen en gentechnologie wille wij niet. Biologische boeren wille wij stimuleren.
- De wicken (water) die bij de verving ontstaon bint, hebt een cultuurhistorische en recreatieve weerde. Daor waor dat kan, wordt ze weer hersteld.

## 19. Milieu

Oenze grondstoffen raakt een maol op. Aal meer meinsen weet dat zo staedigiesan. Wij zult op een aandere manier mit oenze behoefte an energie moeten umgaon.

- Onneudige verlichting mut veurkommen worden. Vanzelf blef er genog locht um het verkeer veilig te holden.
- Bij de straotverlichting wordt lampen vervangen deur energiezunige exemplaren.
- Het is niet neudig dat industrieterreinen 's nachts verlicht wordt. Het is veul beter um bewegingsmelders te plaotsen.
- Het is niet neudig um gemientelijke en aandere gebouwen 's aovends in het locht te zetten. Daor holle wij mit op.
- Der wordt gien vergunning meer egeven veur lochtgevende reclamemasten.
- De gemiente bevordert plannen veur het lokaal opwekken van duurzame energie en gef zelf het goeie veurbeeld.
- Bij duurzame alternatieven wordt goed uuterekend hoe groot het financiële veurdeel en de winst op energiegebied is.
- De gemiente zorgt derveur dat der een kleinschalig windmeulenpark komp, bijv. an de A37 langs.
- De gemiente gef gien vergunning meer veur grote reclamelichtmasten.
- Bij het toekennen van neie bouwprejecten mut elet worden op duurzaamheid. Zunnecellen bijveurbied mut verplicht worden.

## 20. Bestuur

Veur democratie is het neudig dat meinsen weet wat zich ofspeult bij het bestuur, dat ze heur ideeën kwiet kunt en dat zij het bestuur op de vingers tikken kunt.

- De meinsen moet makkelijk in het gemientehuus komen kunnen. Daorum mut de loketten niet allent onder warktied, mar juist ok op woensdagmiddag en op zaoterdag lös weden.
- De meinsen die het beleid maakt op 't Hoogeveine mut de achtergronden en cultuur van oenze gemiente goed kennen. Daorum viendt de SP het niet goed dat beleidsmitwarkers in een aandere gemiente woont. Der wordt gien meinsen meer aneneumen die niet in het gemientegebied van 't Hoogeveine en De Wolden woont. De reiskosten veur mitwarkers van buten 't Hoogeveine wordt nao driei jaor niet meer vergoed. Zo stimulere wij ze um te verhuizen.
- Wij bint niet veur gemientelijke herindieling. Samenwarking juiche wij wel toe.
- De verenigingen van Dorpsbelangen en de Smederijen bint belangrieke anspreekpunten veur de gemiente.
- As der inspraakaovends bint, wordt der écht eluusterd naor wat de meinsen te zeggen hebt. Besluten wordt pas eneumen náódat betrókkenen heur zeggie edaone hebt.
- 't Hoogeveine kan toe mit driei wetholders; dat mag ok in deeltied.
- Veurstellen die inhoudelijk en financiesel niet goed veurbereid bint, wordt niet an de gemienteraod veurelegd.
- De gemienteraod kent het systeem van 'eerste opvolging'. Dat wil zeggen dat alle partijen iene extra anstellen magt. De SP wil dit systeem veraandern: allent partijen mit twee of minder raodszetels kriegt nog veurzieningen veur een extra volksvertegenwoordiger.
- 't Hoogeveine wordt een 'Fair Trade gemiente'.

## Colofon

Dit verkiezingsprogramma is een uitgave van de ofdieling 't Hoogeveine van de Socialistische Partij. De foto's die eplaatst bint, bint emaaft deur leden of bint (volgens Google) vrij um te gebruiken en te delen.

Redactie: Bianca Behr  
Opmaak: Martin Maat  
Èendredactie: De ledenvergadering van de SP Hoogeveen op 28 november 2013  
Daotum: 3-12-2013

Vanneis publiceren mag allent as dat hielemaol en zonder veraanderingen edaone wordt.

Web : <http://hoogeveen.sp.nl>  
E-mail : [webmasterhoogeveen@sp.nl](mailto:webmasterhoogeveen@sp.nl)